

# OMUKWETU

Oshifo shOngerki onkwaevangeli paLuther yomOwambokavango Die Tydskrif van die Evangeliese Lutherse Ovambokavango Kerk

No. 18

SEPTEMBER

1968

## OTU NA JESUS WAALUSHE NOMUPANGELINGHONO

Hebr. 1:7-14.

Ovo aveshu va shashelwa medina laKalunga katatukamwe, ove na e-teelelo lakola. Jesus ou ve mu tambula, owaalushe nde oku nepangelo meulu nokombada yedu. Mefyo nomenyumuko laye koufi, okwa finda epangelo alishe lomilaulu. Onghe ovaitaveli vaye tava kala nehafo nomukumo muwa mounyuni ou nomounyuni tau uya. Ova kulilwa, ha noilanda ile neengobe, ndele onohonde yaJesus Kristus yondilo. MuJesus otava findana yo.

Ekulilo eshi la pwa, Jesus okwa kala omutumba kolulyo lwOmufimanekwa moule wokombadambada. Onghe novaangeli yo aveshu vaKalunga, otave linyongamene kuye. Eshi Jesus a kala nokutonda owii, ndelene e hole ouwa, onghe Kalunga e mu vaeka omuvavo wehafo u dule waaveshe. Omukriste omukwetu, tu kale nomukumo moku-shikula Kristus, osheshi tu nomu-

xupifi iha lunduluka nde tu neteelelo lomwenyo waalushe. Ounyunini nomaulu otaa xulupo, otaa kulupa ngomidjalo. Oikwaunyuni otai kwishi nde tai xulupo. Jesus Kristus aeke, ou ondjovo yaKalunga ya li pehovelu, nokuYo ounyunini wa shitwa, ita lunduluka. Exupifo letu oli li muye amuke ti.

Jesus ota hambata aishe nondjovo yeenghono daye. Osho te ku hambata yo moudjuu woye. Ota dimi po omatimba oye. Ote ku amene okupita nokuyamo kwoye.

Ota kutifa omwenyo woye. Ngenge wa kulupa nde ku neenghono vali dolutu, ote ku pe omavava a fa onhwa meitavelo loye. Ovawambokavango nomushitwa keshe nge ta kala medina eli, ota mono ouwa nombili yaJesus tai diinine omwenyo waye. Ta amenwa koipwe nde haxuuninwa ta fiki momwenyo waalushe. *L. M. Shemuvalula*

### EKUMAIDO

Unene nye ava hamu shangele kOmukwetu ohandi yandje epandulo kuTate Kalunga molweni. Omwa yambuka nomwa xwama meendjovo dOmwene. Ondi shi shi kutya, keshe umwe okwa hala okupopya sha meongalo ile okuhokolola sha momukunda wavo. Kalunga ne mu we-dele ohole oku mu hola.

Ove omunyasha mukwetu, tate ile meme ou li monghatu ilipi? Owa xwama tuu mOmwene? Ile owa wana tuu okupopya sha? Eendjila doye da yela tuu? Jesus ta ti: Hakeshe ou ta ti Omwene, Omwene, ta i mouhamba weulu ndelene oye ou ta longo ehala laTate.

*Lot Shikukutu  
Windhoek*



**Omumbisofi dr. L. Auala, okwa talelepo muSoomi, Sweden, Norway, Denmark nomuGeneva muSwitzerland. Okwa tumine ongerki omakundo to ga mono kepanja eti-6-7.**

### EPANDULO LETU OLINENE

Ofyu ovanyasha meongalo Okalo'ngo, ohatu pandula unene ookaume kOvenduka. Mokomboni nomoshitata eshi mwa tondoka onghuwo yetu nomwe tu popila. Otwa li twa hala keshe umwe tu mu shangele ombapila tu mu etele epandulo letu.

Ndele ookaume eshi mu li po vahapu ngaha, ohatu indile koshifo shOmukwetu shi tu kwafe shi fikife epandulo letu kunye. Hano omaano etu mwe tu tumina okwa fika nawa.

Otwa tambula nehafo nepandulo linene. Ekundo letu tu li na oli li mEps. 119: 9-17. Eyakulo la tya ngaha oovakwetu inamu li dimbwa amushe ovo mwe tu kwafa. Ohatu mu halele epuniko lOmwene.

*Albertina Nd. Haukongo*

*Claudia Haufiku Walvisbaai, ota ti: Otwa dana oshivilo shiwa unene shehombolo laGabriel naLinea. Otwa li twa hafa unene. Vakwetu va diinina ounyasha wavo fiyo va findana.*

Fye nee ava tu li mounyasha natango, ohatu eende tuu nondjila oyo tu findane? Ile ohatu kandukamo?



*Nguka oye nakusa Aini Josefi-na Aarni ngoka a mana oondjenda eti-24.4.1968 muSoomi. E-hokololo lye olya holoka mOmukwetu gonomeli 17 kepanja 3.*

SEPTEMBER 1968

**TU YOOLOLENI IINIMA**

Omukwetu oha yakula oombilive o-dhindji nodhomaludhi gi ili nogi ili ngaashi dhomauvitho, omalongopukululo, oonkundana, omapandulo, omatseyitho, omaigidho giinima ya kana nenge ya toolwa nomapulo taga pendutha omadhiladhilo goshigwana pamikalo dhi ili nodhi ili. Ihe omolwomapulo galwe gaana sha naaleshi, ngoka Omukwetu omoluunona nuupu we, ihaa vulu okuga humbata komapandja ge, otatu gandja natango okafatululo pafupi ngaashi taka landula mpa:

Omapulo galwe kaage nasha naaleshi ongaashi ngoka gopokati komunyoli negongalo lyaandjawa, pokati komupuli nepangelo lyoshilongo shaandjawa nenge pokati komupuli nepangelo lyoholomende. Ngele u na omapulo goludhi ndwoka, onawa ngele olyopokati koye negongalo, tuma omapulo goye koshinyangagongalo, ngele opokati koye nepangelo lyoshilongo, tuma epulolyoye kaaleli yoshilongo shaandjeni na ngele pokati koye nepangelo lyoholomende, tuma epulo lyoye kombelewa yepangelo.

Shika osha hala okutya, Omukwetu gwetweni ke shi gwoontamanana nenge omupokati kaamboka taa tamanekathana, aawe. A a t a m a n a n i naa uthe iinima yawo. Onkee mOmukwetu natu uvithilathaneni evangeli lyoshilongo shaKalunga. Tu pukululathaneni, tu longathaneni, tu panduleni, tu tseyithilathaneni omatseyitho, natu igidhe iinima yakana nenge ya toolwa tse tu kundakanekathaneni oonkundana ngaashi hatu shi ningeni noshito nale. Tu yoololeni iinima nokuyi utha pamuthika gwayo.

**EKAKAMO LEDU LA LYA  
OMAYUVI MUIRAN**

**TEHERAN.**—Konyala ovanhu 10,000 ova fya moshiponga shekakamo ledu sha ningwa moubangalanhuushilo woitukulwa yaIran omafiku aa. Okwa hokololwa kutya, ovanhu vahapu ova li momaumbo a tungwa needopi domunoko. Modula 1962 muIran mwa holokele vali oshiponga shekakamo ledu, mwa file ovanhu 12,000.

Kwa hokololwa yo kutya, ohamba yomuIran oya haluka neenghono nde oyo nomukulukadi waye va nyikila oluhodi oshiponga eshi.

**EYAKULO LYOPALUTU  
NOPAMWENYO**

Mokukala kwandje mOshipangelo mOnandjokwe, onda mono nkene eyakulo, pahumokomeho lyaapangi, lyopalutu nopamwenyo olyu udha mo. Tango otatu pewa iikulya yopamwenyo mokupenduka. Kehe omukunda omwa tulwa embako, moka aavu taa pulakene ewi lyevangeli nolyoondjimbo oombwanawa tadhi hikwa muuhumba. Konima egalikano naavu taa tameke okupendulwa.

Aayakulipangi taye ya notaa popitha aavu noondjimbo, haa thikama pomiyelo dhoondunda dhaavu. Ohashi nyanyudha oomwenyo dhaavu noonkondo. Konima yashika aayakulipangi taa yala oombete dhaavu nawa noku ya etela omeya omapyu noothewa niifanduke, opo aavu yi iyoge. Ngoka itaa vulu okwiiyoga, oha yogwa nawa nombili. Potundi 10 aavu mboka yaa na aayakuli otaa etelwa iikulya.

Ngele u li mOshipangelo shika to pangwa, owa fa ashike omuhona, ndi tye, wa konda po pomuhona, oshoka aahona ohaa kala taa wili-ke iilonga, ihe ngoye mOshipangelo, shoye okutula ashike onkanko mokana.

Omikunda odhi li po heyali, odhu udha aavu oyendji. Kehe omuvu oha yakulwa naanaa ngaashi ta pumbwa. Sho ku kumitha osho uuyogoki. Oombete odhi nokuyogwa nosho omalupanda. Elalakano olyo ndyoka, ombakiteli kehe yi dhipangwe. Otandi pandula Kalunga sho e tu pe aahungi taa hungu nawa omalutu noomwenyo dhetu. Otaa humu nawa komeho mokuhunga.

Ongoye omukwetu omugundjuka, meme, tate, sho waa na uuwehame washa oto itanga to ti: Ote lombwelwa omahungo gaavu gomalutu nogoomwenyo, shono oshaapangi noshookakaiwa, hasho ye lile po. Uuna tandi falwa moshipangelo, opo tii ke dhi pulakena.

Tala kuume, sho u na oonkondo ngawo natango, wa tula omwenyo gwoye mokahalu keliko opo anuwa wi ilikolele uuyuni, oto ifundjaleke. Nando u kale u na ostora yo-ye onenenene we yuudha iinima niikumbu yi li mo oyindji, ino tya, oto ningi omuyamba gwopii, oto inomo ashike.

Kalunga okwe ku pe oshindji, opo u shi longithe pahalo lye. Manga wi ininga ongaa, anuwa sho ho longo mombelewa u na ondjato ya pata opo u nwe oonepa dha gwa-

na, ngula sho to ka kololokwa, ngiika ooranda 10 othilu. Opo nee twi ipula to ti: Nda nwine ohela nuugoya tuu. Iimaliwa yandje ooranda 10 odha yi peni? U itale moshipala, ou na po ngaa ofelefenda yontumbilila nepogonyono, waa shi ongonyo, waashi olyoshimbele, ku shi po sha.

Edhiladhilo tali holoka nziya kutya: Nani onda ehama, shihwepo ndi ye kOnandjokwe. Oto ya wii silohenda kaapangi, nokufundja: Onda dhengwa koshiti sha gwile ndje. Nani okapeta ka - cuca, kondjii-na, kombelendi, ka nuwa eta ka pu. Ko taka ningi nee ka kola ke ku lye momutse.

Aapangi taye ku taamba nenyanyu noto tameke okuhungwa nombili. Sho wa aluka to yi ishewe u ka tsikile okudhenga omeya goye: Tala, shika nashi tu longe kutya: Kalunga iha nyekelwa. Sho to ka tsikila iilonga yoye yiuhuna, ngoye wa mwene elondodho, lyoku ku itedhululitha ope nomupya. Ino tya uuna to etwa olutiyali mOshipangelo, go ogu li nee pothingo, ngoye to ti: Kalunga ngu ha kwatha ndje shito ota kwatha ndje natango, otashi vulika to mono sha pingathana nedhiladhilo lyoye. Uuyuni nando u ulye, ihau kutwa.

Taamba ehungo lyopalutu mOshipangelo nolyopamwenyo, ngoye landula oohapu dhaKalunga mokukala kwoye. Inda kelongelokalunga Osondaha kehe. Ino iningililamo manga pu na ethimbo.

*Paavo Max***TU SHI SHI TUU?**

Shaa ngoka a valwa muKalunga oye a manguluka moondjo, ota ende a tonata, opo kaa ye muuwinayi. Muuyuni omuudha uuwinayi.

Otwa tseya, Omuna gwaKalunga okwe ya muuyuni nokwe tu longo oondunge tu tseye ehalo lye. Onke iiyageka iimenka, oluhondelo, nuufuthi, olwiho nuunkolwi, okusheka nokuyaka nokehe onyata yuulunde. Oshoka kwa tiwa mboka ya tya ngaaka itaa thigulula oshilongo shegulu.

Ngele owa kala nale nokweenda noondjila dha tya ngaaka, ihula ano onguyo ondjoka onkulu momumvo tuu nguka nguu tsikile komeho nokukala okupe.


*Jafet Shuuya Okahandja*

## OKATHIMBO KEIMWENE- NENO

Moluunkundi wa hepeke ndje, ondu uthilwa kundohotola ndi ye moombete dhaShakati ndi tandwe. Shika onde shi ningilwa nokuli petameko lyomumvo. Muuwehame unene ondi imwenenene pombete yuutandwa nokutega shoka tashi zile ndje miikaha yOmuwa gwandje.

Okukala pamwe naavu ooyakwetu okwa li kwa nyanyudha ndje unene, Omusamane Jakobus Hamunyela, omungela, okwa li oshiholelwa oshiwana mondanda yetu. Okwa kala omulumentu omugundjili, omunambili, omunalukeno nomukwathi omudhiginini. A penduka mbala pombete ye okukwatha kehe gumwe gwetu. Okwa hekeleke noohapu dhopambepo shaa tuu sha pumbiwa. Okwa holola eitaalo lye mokati ketu nokwa kala nyanyu nande olutu lwa hepekwa kuuwehame a li nawo. Kalunga okwa zimbulala omukwetu nguka nokwe mu ithana mevululuko lyaaluhe.

Omusamane Laban, ondjambidhidi, okwe tu yolitha aluhe nande tu kale tatu ehama ngiini. Oye omushendjuli omwaanawa ha yolitha kehe gumwe e li puye. Einekele lye okwiinekela Kalunga ohe li holola lya kola moonkundathana dhetu dhopambepo. Iha limbililwa kutya, Kalunga kashili oko a kala noha kwatha kehe omuntu. Otwa li twa pangelwa



Elia Niinkoti

kombepo yuukumwe mondanda yetu. Kamwa li lenga nenge omulongi, omukatoli nenge omupagani, omukuluntu nenge omugundjuka. Atuhe otwa li twa pumbwathana pambepo nopalutu, opo tu tungathane nande tatu dhengwa komavu.

Otandi dhimbulukwa aapangi yomOshakati nokupandula. Yamwe yomuyo otaa simanekitha oshilonga shomupangi maapangwa. Ohaa longo nohaa yakula nehala nondjungu nonomwenyo aguhe. Ethimbo kehe otaa holoka pomumvu noshipala shomupangilela tashi holola ohole, olukeno, ehekeleko, uulaadhi, ombili nekwotho. Kaye na ya vulwa, ya sa omposi nenge ya sa ondjala. Otaa longo oshilonga shawo neigandjo ngashi ye shi ithanenwa kOmuwa gwawo. Omushiwikile nenge omukwashiwikile otaye mu yakula shi thike

pamwe, oshoka meithano lyawo otaa kondjele esimano lyaJesus Kristus, ha lyawo yene. Oomwenyo dhaapangwa ohadhi nyanyukilwa nohadhi inekele aapangi yatya ngaaka, oshoka oyo aapangipangi. Omayambeko gOmuwa nage mu tanene amuhe pamwe naapangwa yeni.

Ompito yoohapu dhaKalunga oya li ye egulukila ndje wo moshipangelo shika. Oosesta ohaa topolele aa- vu uumbo woohapu dhomwenyo. Omumvu kehe ota hogolola okambo hoka ta vulu okulesha. Omapopitho gomusitagongalo K.Dumeni nomudiakoni D.Imalwa oge tu kumike aluhe tu kale muunkundi wetu nyanyu. Aagundjukapangi ohaa imbi ondjimbo oombwanawa mOsondaha. Omaimbilo gawo oga li haga hiti muule womwenyo gwandje nonda dhi mbulula kutya, ogo omuti gwoonkondo gwa pumbiwa pomumvu kehe. Kalunga na humithe komeho iilonga ayihe tayi longwa pOshakati mokusimanekitha edhina lye eyapuki.

Okathimbo nda kala mOshakati itandi ka dhimbwa. Oka li kuuyamba owindji wazile ndje maapangi, maa- vu, moohapu dhOmuwa nomomiti. Tangi kwaamuhe mwa yakula ndje palutu nopambepo. Tangi kookuumwa talele ndje po. Tangi kwaamuhe mwa galikanene ndje. Omuwa ne mu indjipalithile uuwanwa we esiku kehe. *Tala nkene shoopala, shoopalelela, aantu naamwayina nge taa kala kumwe ye nombili. Ps.133:1.*

## O S H I L O N G A S H E T U M O

Momukwetu waAugustus wonomola onhi-15, pepandja eti-3, mokatendo okati-6, omwa popiwa kutya:

Oshilonga shetumo oshi nokulongwa neulumo, opo elaka lexupifo li twalwe noli tandavelifwe divadiva. Eshi oshili noshi li yo oshinima shiwa, nge tapu longwa diva neulumo.

Ndelene kombinga imwe ope na yo sha, osho tashi imbi notashi keelele oshilonga eshi shetumo shilongwe neulumo alushe. Oshike mbela? Osho omapulo taa dulu okuholoka. Paulus omuyapostoli waKalunga, okwa longa oshilonga shaye neulumo, ngaashi wa didilika mokulesha Ombibeli yoye. Pefimbo laye, omaongalo mahapu okwa dikwa na omutumwa a endaenda unene okukumika ovaitaveli novakriste aveshe. Eshi osho yo elalakano lovatumwa novopefimbo letu. Ova hala okulonga diva nokutandavelifa evangeli apeshe. Ndelene, ope na sha.

Opu na shimwe osho tashi fiminike oshilonga shetumo shi longwe paenghedi dihapu di lili nodi lili. Osho eshi, eshi oiwana aishe inai faafana. Opu na oiwana yaputuka, ndele opu na yo oiwana inai putuka. Moshiwana shaputuka oshilonga shetumo otashi dulu okulongwa shili neulumo. Osheshi eudifo levaengeli olo alike unene tali diininwa. Oshiwana shoovene osha yambuka nale. Omidjalo, oikulya, omaumbo, omapiya noinima ihapu yopaputuko, oshiwana oshi na nale. Ovatumwa otava diinine ashike okuudifa nokulonga oukriste nokuhokololela ovanhu kutya, Jesus Oye Omukulili wavo. Opu na oiwana i li ngaha.

Ndelene, opu na yo oiwana inai putuka nande. Ngashi nande Owambo yetu. Etumo ola hanga tu li kokule meputuko. Omidjalo detu, omikalo detu dokulonga omapiya, oluhepo loihakulilo, oluhepo leefikola nosho tuu. Moshiwana ne shi li ngaha, etumo otali nyengwa okweendelela, osheshi ola papata

oilonga aishe. Otali udifa evangeli, otali putuda yo oshiwana. Otali diki eefikola, otali diki oihakulilo, opo li dule okukwafa shili ovanhu, palutu nopamwenyo. Nena oilonga i li ngaha otai tokelifa oshilonga shetumo.

Natango tuu opu na oiwana imwe oyo i li lela kokulekule meputuko. Tu tye nando oshiwana shOvayeleele. Osha hangika shi li ngaashi shi li. Oluhepo shili tali pangele. Omaumbo kape na. Oikulya nomapiya kaepo. Oimuna kave na. Okulonga kave shi. Aisheishe oipe kuvo. Oshilonga shetumo otashi longwa ngahelipi mokati kavu?

Efatululo otali ka landula komesho. Paife ohandi ku indile ashike, ino mwena! Inda meilikano, ilikana oshilonga shOmwene. Ila mongundu yookaume koshilonga shetumo! Nando ope na ngaha oudju, Omwene opo yo e li.

Maria Nafidi

## OHOLE YOMEUMBO OHAI TUKULILA- FANA

*Okahokololo aka oka kufwa mokambo The Happiest Home nomulundululi oye omulongi Abednego Nghifikua.*

Ohole oya fula onya okutukulilafana eewino, nomokutukulilafana otai kulu notai i moule, "Okumwe" owa pumbiwa pelao leumbo. Ponho yelunduluko olo le ya po kombinga yoshilonga sheumbo ope na natango efimbo lawana lokukwatafana moihafifi yeumbo yefiku keshe.

Ovaneumbo ovakriste ohava ilikana pamwe. Meumbo lopakriste omashikulafano oandaha palufo lomuneumbo keshe okwa fimana nokwa diininwa ngaashi naanaa mafimbo okulya. Omaunyengwi opaumwe, omaunyengwi eumbo, ile kaimba nokuli omaunyengwi oonyuni, ohaa kundafanwa nawa nelineekelo Mouyelele weendjovo daKalunga mOshondaha, ovaneumbo otava i pamwe mongerki. Meumbo olo oilyo hai ilikana pamwe noi nakukalafana kumwe omo ekalepo laKalunga tali holoka, oshidjuu pa holoke eenhamanana dakula, nongeenge ngeno odi holoke po, otadi li tu keehengo da nyengele.

Ovaneumbo ovakriste ohava longo pamwe oilonga ihapu oyo ya

## SWAZILAND LA MANGULUKA

**Efiku 6. 9. 68 ola li efiku linene mehistori laSwaziland, osheshi efiku olo Swaziland a mona elipangelo. Swaziland ola kala mepangelo lOvaingilisha eedula 66.**

Omuponhele wohamba onghainu yaEngland George Thomson, okwa yandja eembapilanhokolwa delipangelo kohamba Sobhuza II yaSwaziland. Swaziland olo etitatu lomadu Ovaingilisha oo a manguluka neudo, eshi la shikula **Yemen naMauritius.**

### A TANDWA MOMUTSE

Tokio-Moradio yaSuid-Afrika yeti-21. 9.68, oya popi omukiintu gumwe omuyapani a li e na oshiponga shoshitumbuka momutse. Oshitumba osha li shi na uunene u thike pongonyo yomulumentu. Okwa lalekwa

mo ngashingeyi moshipangelo shaTokio ndele okwa dhiladhilwa siku limwe oshitumbuka she onashi ka tutuluka konakuyiwa.

li nale oitukulwa yokukalamwenyo kweumbo oya kana. Ashike oinakuwanifwa oi li natango ihapu noya yooloka. Natango keshe umwe oku na sha okuninga. Eumbo otalingi shili oukaume ngenge keshe umwe mehalo liwa nomouladi ta wanifa oshinakuwani fwa shaye.

Ovaneumbo ovakriste ohava da-nauka pamwe. Ovakulunhu ovanae-ndunge ove shii ngehe ve nokuninga ounona vavo omashendjo. Otava pangele edjepo efudo, nokudjamoisho yovaneumbo, notava koneke ouwa wa keshe shimwe sha ei. Mokudanauka pamwe nounona vavo, tate na meme itashi ti otava kanifa

eenghono nefimano lavo lopaukulunhu. Moushili, elongelokumwe li nombili momafiyafano ovaneumbo otali dulu li twale kelongelokumwe nomoinima i noshilonga noya pumbiwa. Ovaneumbo ovakriste ohava kala pamwe. Eewino da topolelafanwa ngee dehafo ile doluhodi,

mefindano ile mounyengwi, osho shimwe shomoinima yeumbo oyo i nokukala po. Muyo omitima otadi mangelwa kumwe noimangifo oyo tai kala yo ya pama nopefimbo letukauko. Omukwaita okwa nyo-

lela keumbo ngaha "Eshi nda hala paife shi dule aishe osho eliudo lokukala vali kumwe."

*Taku twikilwa natango*

## OOHAPU DHAKALUNGA ODHO OMATATI GA KOLA GOMWIITAALI

Megalikano lyuusaseri uukuluntu Jesus okwa holola nkene aalongwa ye taaka mona noye li muudhigu wuuyuni mbuka, ihe oya pewa omupopili Ombepo Ondjapuki sho ya tumwa kuyo.

Ihe oyo ya pewa oohapu: "Ongame nde ya pa oohapu dhoje, opo ya kale yoye," Jesus a ti. Ano otse aakriste yopethimbo ndika wo otu li muuyuni tau piyagana nou na iiponga oyindji nomamake-lo omadhigu ga hala ge tu tone. Ihe otse otu na oohapu dhaKalunga nodho omatati getu gokukondjitha nago satana nomahindo ge gopendji. Omwiitaali, kwata ano komatati ga kola nokutya oohapu dhaKalunga.

*J. J. Shikongo*

## OOMBENZI DHA VUKA

*Andreas J. Kuwa, Onayena, ota nyola ngeyi:* Oshipalanyolo shika osha fa sha nika iiyolitha, ihe omukwetu omuholike kwatha ndje ngaa waa yole manga. Iiponga iha-yi yolwa.

O! aalumentu yakwetu, oombenzi dhetweni odhili po ihe dha vuka unene pethimbo ndika. Kape na eyoloko ongele omumati nenge omusamane, ongele omugundjuka nenge omukulupe, ayehe oya fa tuu ootsotsi ndhi hatu uvu dha kala momakololo goondundu. Olwindji pamwe, nuunona we ku fadhukapo nale nookuli. Momavi gaana-ndunge yamwe, omu na yamwe mboka ye na omambenzi ga hungwa owina omolwomaukuluntu nenge omaithano (beroep) gasha, ngashi aapapa yaKatolika, ihe ha oshigwana ashithe.

Akwetu aaholike (aalumentu), oombenzi hadho tadhi holola kutya, ngoye omumatilela nenge omusamanelela, aawe, omulumentu oha valwa, nando ke na oombenzi. Ehumokomeho ishewe ndino tatu lalakanene itali ti oombenzi. Inandi hala unene kupopya aanampwidhuli naamboka ya valwa dhahemo nawa, ihe nando ongaaka natu ya sile ngaa oshipwiyu.

Kuume ngele ito longitha okamashina nenge okakululo, ngashi sho opala lutatu ando moshiwike, onawa ngele to dhi opaleke ngashi ho pukulula omutse gwoye. Onawa nge to longitha omiti dhoombenzi ngashi "PALMOLIVE" omolwiipulu.

# OSHIKOLOLO SHAAGUNDJUKA

## AAWILIKI YUUNGUNDU MEGONGALO

Megongalo kehe omu na uungundu hau ithanwa "Hamunona-Hamukuluntu." Uungundu watya ngaaka ou na aawiliki yawo Ndishi otashi kala enyanyu kungoye ngele to mono okangundu kaawiliki ko megongalo lyetu? Mefano ndika oto mono ongundu yaawiliki yahamunona-hamukuluntu megongalo lyetu, naanona ya tsa oongolo nomusita.

Aawiliki mbaka oye na oshilonga oshinene mokati kaakadhonagongalo okuza pomimvo 7-16. Tala omusitagongalo omusimanekwa ngele megongalo lyeni kamu na aawiliki yuungundu mbuka, egongalo ndyoka olya kanitha oshindji noonkondo. Otandi ku tsu omukumo u kamba. dhale u ka mone megongalo mbala.

*Gabriel Amupolo*

## OSHA NINGWA MOMINA YAC.D.M.

Omasiku ngaka mOrange omwa holoka iiponga yombaadhilila. Meti-12.8.68, omuhingi gweshina oya sitambathana nomuhingi gwoshihauto, oshoka ondjila oya li ya goyoka nayi. Omuhingi gweshina okwa mona oshiponga nayi, oshoka okwa tenda omisa mbali momutse ye okwa teka ishewe oombati 4 nokugulu kwokolulyo. Ompadhi oya nyanyauka sigo omohongo. Sho pwa na ekwatho lilwe, oonganga odha tete ko okugulu nkoka. Omolwoshiponga shomomasipa gomutse, okwa tumwa mbala koshipangelo oshinene kOkapa. Nonando okwa kanitha oondunge, omwenyo omo gu li natango. Edhina lyomulumentu nguka oye Simon Vakoma.

Esiku lya landula (13.8.) opwa holoka ishewe oshiponga shoshihauto oshinene sha kandoma mondjila. Omuhingi gwasho oye Sakarias Elifas, Omundonga gwokOmulilo. Mukwayo oye Nelongo Namupala, Omundonga ishewe. Okwa li olyo esiku lye lyahuginina miilonga, oshoka ondhalete ye ya adhika ya pwa ko. Ayehe mbaka oya mana oondjenda pethimbo mpoka. Ooyakwawo ya-8 oya mona owala iiponga yomateko nenge ya kanitha oondunge. Inatu vula okutumbula omadhina gawo ayehe mpaka.

"Omuwa tu longa okuyalula o masiku getu ngoye u tu pe omwenyo gu na oondunge." Timotheus Shilongo naF.D.Shipa oyo ya ga ndja ekwatho lyotango piiponga.



*Aawiliki  
yahamunona  
hamukuluntu  
mOnanangalo.*

## AANASHILONGA META- LELOPO

Etalelopo lyaanashilonga megongalo Onangalo 13. 7. 68. Omwa li aanashilonga 33. Oshigongi osha li oshiwanaawalela. Ayehe otaa monika mefano ndika. Yamwe inaa holoka omolwomaimbo.

Oshigongi sha tamekithwa neimbi-106 komutonatelishitayingerki. Omusita gwegongalo a kundu aayenda naanashilonga noohapu dhaKalunga, moka a holola oyo oye nompito yokuhambelela Omuwa Kalunga nena omoluuukumwe. (Ps.113.). Omutonatelishiteyingerki a kundu aanashilonga nokwe ya halele eyambeko lyaKalunga miilonga. Okwe ya hokololele kutya, etalelopo ndika olyo lye lyotango megongalo ndika.

Omusita Festus Ashipala a eta omakundo ga zi kuSoomi kAawambo nokAasoomi ookuume ketumo.

Oye nehalo enene ongerki yetu yi taandele, onke otaa pula omwaalu gwaakriste ngele ogwa vula gwaa-

pagani. Oye hole oshilongatumo. Oya nyanyukwa oshoka otu nekwa-tathano meshasho limwe nOmuwa gumwe. (Rom. 11: 32).

Omusita gwegongalo a hokolola ehokololo lyegongalo pafupi moka a holola olupe oluwanawa noluuwinyayi lwegongalo.

Aanashilonga ya pewa olufo okweeta omadhiladhilo gawo. Uwanawa nuuwinyayi wegongalo wa hololwa ishewe. Oonkundathana ombwanawa dha ningwa komutonatelishitayingerki, moka a holola ehumokomeho neshunduko lyegongalo miinakugwanithwa yalyo.

Etalelopo olya li ewanawalela nolya nyanyudha aanashilonga. Onke oshe tu etele wo ehalo lyokuya mefano. Mpaka otapu landula

efano moka aanashilonga aanangalo pamwe nomutonatelishitayingerki taa monika. Omakana getu oga li guudha oondjola nenyanyu aluhe.

Kalunga oHe yOmuwa gwetu Jesus Klistus oye na simanekwe aluheluhe Ameni. *Gabriel Amupolo*



*Aanashigongi  
aanangalo  
pamwe nomuto-  
natelishitayingerki  
J. Amakutuwa.*

**EMANYA LYEHAMBELELO**  
1868-1968

Kemanya lyehambelelo nda fala ko wo ehambelelo lyongerki ayihe onkwaEvangeli paLuth. yOmowambokavango. Nehambelelo lyoye nde li fala ko. Omwenyo gwandje gwa li guudha shili onkumwepandulo sho nda li nda tala oongu-

ndu oonene dhaakriste Aasoomi ya ngundumana pooha dhongerki yomegongalo lyallomantsi, mokati kaSoomi, esiku 30 Juni nuumvo, taa ningi oshituthi shedhiko lyemanya lyehambelelo nolyedhimbulutho okudhimbulukwa esilohenda lyaKalunga sho a hogolola nomegongalo tuu ndyoka wo lyallomantsi, aagundjuka aamati yaali, mboka ya

yi wo kuHelsinki, ya ka yapulilwe okuya pamwe nayakwawo miita iiyapuki yaKristus kOwambo, ya ka kondjithe satana nomilema dhe dhuupagani nodhekano lyaaluhe, mokuuvithila Aawambo evangeli lyehupitho lyomuJesus Kristus.

Omupastori Pietari Kurvinen, ngo a li a uuvitha euvitho lyotanogotango kOmandongo, esiku eti-9 Juli 1870, oye gumwe gwaa mboka ya zi megongalo ndyoka lyallomantsi, noye efano lye lya takelwa memanya ndyoka lyehambelelo. Aakwanezimo yaPietari Kurvinen ya gongala wo koshituthi ya hambelele Kalunga, sho mezimo lyawo mwa zi omutumwa, omukwiita gwaJesus Kristus. Oya fala oongala pemanya, ngashi dhimwe dhadho tadhoni monika pooha dhemanya, mefano, pomutse gwa Pietari Kurvinen. Omusamane gumwe omukulupelela omuna gwaPietari Kurvinen, oye kwe tu uuvithile esiku ndyoka. Omusamane e na oshipala sha faathana naanaa noshipala shahe shoka shi li kemanya, nedhina lye wo oPietari Kurvinen, mbushe yahe. Newi lye nomainyengo aniwa ongashika naanaa he. Onda yi wo pemanya mokati koongala ndhoka dha falwa ko nonda ti: Ongame ongala ya zi moshikunino shaKalunga mevi lyAawambo moka mwa tsapuka ongerki yaKristus yOwambokavango, ya menithwa keuvitho lyevangeli lya uuvithwa kaakwiita yaKristus Aasoomi omimvo 100. Onda eta ehambelelo lyAawambo ayehe nAakavango ayehe moshituthi shika.

Ongundu ndjoka yaagundjuka nda thikama pamwe nayo oyo ongundu yaayimbi oonkulungu. "Safari Kuoro." Oya imbi oondjimbo oombwanawa dhehambelelo moshituthi shoka. Omuwiliki gwawo oye ngoka twa thika naye. Ngele aagandji taa hambelele ngeyi Kalunga sho e ya pe ohenda yokugandja, aataambi ehambelelo lyetu oli thike peni?  
L. A.



*Omumbisofi  
Auala  
nomuwiliki  
gwaayimbi  
mesiku  
lyoshituthi  
shemanya.*



*Mokati  
kaayimbi  
to mono  
dr. L. Auala  
nopevi  
kolulyo to  
mono emanya  
lyedhimbulutho  
lyakurvinen*

**OIPONGA YOMEENDJILA**

**SALISBURY.**—Ovanhu 11, vamwe ounona vatatu, ova fya oivike ya djako meendjila muRhodesia.

Ounona vavali ova fya eshi oshihauto omo va li sha xwama konima eshi she lidenga mushikwawo eemaila 25 okudja kuSalisbury. Ovakulunhu vounona nomukulukadi umwe a li ta ende pamwe navo aveshe ova fya.

Okakadona keedul a nhano novalumenhu vavali ova fya melishitambo loihauto eemaila 12 okudja kuBulawayo. Osho yo omweenda a dile kuOostenryk okwa fya eshi oshihauto shaye she lidenga membakumbaku.

Ovalaule vavali ova fya va lyatwa koihauto muBulawayo. Tu nokulungamena oihauto, unene tuu moilandino nomeendjila dinene.

*A. Frits, Walvisbaai,* ota nyola: Vulikeni kuKalunga ne mu igandje kuye, opo oohapu dhe dhi mone ompito meni moomwenyo dhetu.

Unene tse mehalakano mUushimba, tatu pumbwa ekumagidho ndika. Ope niinima oyindji yuuyuni tayi tu kateke pamikalo odhindji. Ontilokalunga kayi mo we mutse. Osigo uunake tatu tindile moomposi dhiinima yuuyuni mbuka? Penduka mukwetu uusiku wati koongula sha.

**EMANYA LYEHAMBELELO**  
1868-1968

Kemanya lyehambebelelo nda fala ko wo ehambebelelo lyongerki ayihe onkwaEvangelii paLuth. yOmowambokavango. Nehambebelelo lyoye nde li fala ko. Omwenyo gwandje gwa li guudha shili onkumwepandulo sho nda li nda tala oongu-

ndu oonene dhaakriste Aasoomi ya ngundumana pooha dhongerki yomegongalo lyallomantsi, mokati kaSoomi, esiku 30 Juni nuumvo, taa ningi oshituthi shedhiko lyemanya lyehambebelelo nolyedhimbulutho okudhimbulukwa esilohenda lyaKalunga sho a hogolola nomegongalo tuu ndyoka wo lyallomantsi, aagundjuka aamati yaali, mboka ya

yi wo kuHelsinki, ya ka yapulilwe okuya pamwe nayakwawo miita iiyapuki yaKristus kOwambo, ya ka kondjithe satana nomilema dhe dhuupagani nodhekano lyaaluhe, mokuuvithila Aawambo evangelii lyehupitho lyomuJesus Kristus.

Omupastori Pietari Kurvinen, ngo a li a uuvitha euvitho lyotanogotango kOmandongo, esiku eti-9 Juli 1870, oye gumwe gwaa mboka ya zi megongalo ndyoka lyallomantsi, noye efano lye lya takelwa memanya ndyoka lyehambebelelo. Aakwanezimo yaPietari Kurvinen ya gongala wo koshituthi ya hambelele Kalunga, sho mezimo lyawo mwa zi omutumwa, omukwiita gwaJesus Kristus. Oya fala oongala pemanya, ngashi dhimwe dhadho tadhhi monika pooha dhemanya, mefano, pomutse gwa Pietari Kurvinen. Omusamane gumwe omukulupelela omuna gwaPietari Kurvinen, oye kwe tu uuvithile esiku ndyoka. Omusamane e na oshipala sha faathana naanaa noshipala shahe shoka shi li kemanya, nedhina lye wo oPietari Kurvinen, mbushe yahe. Newi lye nomainyengo aniwa ongashika naanaa he. Onda yi wo pemanya mokati koongala ndhoka dha falwa ko nonda ti: Ongame ongala ya zi moshikunino shaKalunga mevi lyAawambo moka mwa tsapuka ongerki yaKristus yOwambokavango, ya menithwa keuvitho lyevangelii lya uuvithwa kaakwiita yaKristus Aasoomi omimvo 100. Onda eta ehambebelelo lyAawambo ayehe nAakavango ayehe moshituthi shika.

Ongundu ndjoka yaagundjuka nda thikama pamwe nayo oyo ongundu yaayimbi oonkulungu. "Safari Kuoro." Oya imbi oondjimbo oombwanawa dhehambelelo moshituthi shoka. Omuwiliki gwawo oye ngoka twa thika naye. Ngele aagandji taa hambelele ngeyi Kalunga sho e ya pe ohenda yokugandja, aataambi ehambebelelo lyetu oli thike peni?  
L. A.



*Omumbisofi  
Auala  
nomuwiliki  
gwaayimbi  
mesiku  
lyoshituthi  
shemanya.*



*Mokati  
kaayimbi  
to mono  
dr. L. Auala  
nopevi  
kohulyo to  
mono emanya  
lyedhimbulutho  
lyaKurvinen*

**OIPONGA YOMEENDJILA**

**SALISBURY.**-Ovanhu 11, vamwe ounona vatatu, ova fya oivike ya djako meendjila muRhodesia.

Ounona vavali ova fya eshi oshihauto omo va li sha xwama konima eshi she lidenga mushikwawo eemaila 25 okudja kuSalisbury. Ovakulunhu vounona nomukulukadi umwe a li ta ende pamwe navo aveshe ova fya.

Okakadona keedul a nhano novalumenhu vavali ova fya melishitambo loihauto eemaila 12 okudja kuBulawayo. Osho yo omweenda a dile kuOostenryk okwa fya eshi oshihauto shaye she lidenga membakumbaku.

Ovalaule vavali ova fya va lyatwa koihauto muBulawayo. Tu nokulungamena oihauto, unene tuu moilandino nomeendjila dinene.

*A. Frits, Walvisbaai,* ota nyola: Vulikeni kuKalunga ne mu igandje kuye, opo oohapu dhe dhi mone ompito meni moomwenyo dhetu.

Unene tse mehalakano mUushimba, tatu pumbwa ekumagidho ndika. Ope niinima oyindji yuuyuni tayi tu kateke pamikalo odhindji. Ontilokalunga kayi mo we mutse. Osigo uunake tatu tindile moomposi dhiinima yuuyuni mbuka? Penduka mukwetu uusiku wati koongula sha.



Nda kala wo miigongi iinene yaakriste ya za miigwana yi ili noyi ili yomuuyuni auhe, taa kundathana nkene ye na okuhangana kumwe mokuhololela uuyuni ohole yaKristus, ndjoka tayi tu thiminike tu igandje wo miilonga yeyakulo ngashi Kristus e tu yakula nokwe tu pe oshiholelwa. Joh.13:12-15. L.A.

### VA LYATWA FIMBO VA NANGALA

**Onandjokwe.-** Ovanhu vavali, omushamane Natanael Nghishindi, omukunda Omulamba meongalo laKongo nomumati Leonard Jonatan womukunda Oshakati natango meongalo laKongo, ova fya ombaadilila va lyatwa koshihauto fimbo va li va nangala oufiku.

Embangi di shi okulineekelwa da hokolola kutya, oonakufya ova yala koshi yoshihauto mongalasho yoihauto. Oufiku oshihauto osha shuna lwaanima kusho vene nomaulu a tondoka kuvo. Oshiningwanima osha halula ovanhu nde hatu longwa shili kutya, tu lungame, eemwenyo detu di kale da yela koshipala shaKalunga, osheshi efyo otali tu vakele.

### OSHIPONGA SHA HEPEKA KAAPLAND - USHILO

Ovanhu vamwe va fya nomafele va fiwa poluhaela eshi eenduda da vakulwa ko.

MuPort Elizabeth ovanhu vamwe va fya mofudja linene la kungulula

oshilando nde la shikula kodula yoshikulu ya loka mo. Oya yelekwa eedoimi 15. Oshikungulu sha nyonauna oinima ngashi eendjila nomalweendo eedila pombada neeskepa mofuta a nyonwa.

Ovanhu vahapu va fitikininwa keembanda deenduda, oihautu ya twalwatwalwa komeva, omatungilo a kungululwa, eumbo limwe la nyonwapo filu. Oonakweenda neendjila va kondekelwa komeva. Epangelo ola yambuka nde otali kwafa ovo va kwatwa koluhepo moshiponga eshi. Paife kwa kundana kutya, omeva okwa hovela okupwiinina. Ovakwafi novawapeki otava viyauka opo oshilando shi shunifilwe vali ouwa wa sho.

### OKANONA KA YAHWA MUGOBABIS

Oshiponga shombaadhilila osha holoka pofaalama yimwe yi li oomaila 70 okuza muGobabis. Okanonakadhona Mercia Oberholzer ka yile uuyenda pofaalama ndjoka, oka yahwa nokambistoli kokanona kopofaalama mokwaatseya sha. Okanona ka falwa koshipangelo kuGobabis neulumo enene nokasi mbala pokuthika moshipangelo. Okanona okakwawo ishewe okamwana komuhona mwene gwofaalama nako oka toolwa koholo noke li ngashingeyi moshipangelo. Moluutsini waanona okanona okamati oka dhana nokandjembo kahe .22 nani oku noholo nomokukeleketa okandjembo ki iyumbu.

### OILONGA OYA DJA PEDUTILO

Nalenala Kalunga okwa tya kuAdam: Ove oto lipalula m ed u noudjuu muhapu omafiku oye aeshe. Ove oto li eendja doye noshinwi moshipala shoye fiyo to shuna medu omo wa dile. Osho nafye eedalululwa daAdam otwa pewa oilonga yomapyo, tu konakone omaludi omaushosho neembuto tu di kune, tu di tekule tu mone oipalwifa yetu ngaashi twe shi pewa pedutilo.



## DAVID NANGOMBE

Omusamane David Nangombe, Oniipa, okwa longa ethimbo ele moshinyanyangidho. Ota monika mpaka mefano. Okwa tameke miilonga mbika omumvo 1954 mokukweya omashina. Nanena oku li miilonga mbyoka.

Nangombe kena shipala, ihe ta tseya ondjila ye okuza kegumbo nokuya kiilonga. Nonando ke lwete ko notwa tseya omaudhigu gaaposi, onkene oku negumbo lye, omukulukadhi noyana. Otwa tseyithilwa nale, tu galikanene aaposi naayehe ye li momaluhepo ngele gokolutu na unene gokomwenyo. Osho tatu galikana, omakwatho gaantu ya tya ngaaka ga indjipale shili, ongerki nepangelo yi itule mo moku ya sila oshimpwiyu opo ya pupalekelwe omitenge dhomaudhigu gawo.

David Nangombe oku shi kutanga iinima, oye enyakwa naana. Ekango lyomongwa lyOndonga ohe li tangumuna ngeyi:

Nankombo li nomulyo momakunde, Nangombe li nomulyo moshigali, Nekulu sho a lolo mo. Nankombo ha lyuulenga, ha lyangala Namupembe, olya itokela lyene. Okapuku ke li fundu po, nembundu e li fundila kokule li ninge lyaalumentu. Andiya ndi ku yakule mondaka, Ndi ku yakule montale Hamutenge gwoye ndi na, Ngame ombuga opu na yimwe he tila. Ontale yiitulu naKalenga, yokefo lyAashipole.

Onkoshi yokoshipumbu, Onime

### EATON A LUNDULULWA

Omushamane Eaton, komufala omukulunhu waSuidwes, mOvenduka, ota ka longa muPort Elizabeth. Ponhele yaye opa tulwa omushamane J. J. van der Watt, a longa nale mombelewa yomushamane Eaton mOvenduka.

### LANDA OSHIHAUTO

Tangi sho to ya u lande oshihauto kombiliha BEDFORD LORRIE, 5 ton moode 1966. Osha enda oomaila oofupi. Ila kungame kOshakati

Tangi unene.

Gweni,  
Aatu Julius Nakanyala  
S. A. P.  
Oshakati



D. Nangombe

yuugolo naKalenga, Ya koko tii ndunduma. Ngame mukweni ite vulwa mombuga. Ngame ite vulilwa montale. Okemanya enene twa zi, kOnamungundo yaAngala yiIndongo twa tumwa ku kuku Mutaleni.

Ne ndishi omwa zi mOnangalo Mwa zi momapale ihaa mweendiwa uusiku oto gwile miitoto, oto gwile miilambo yoombiga dhaNangolo.

### TA KA EFA OILONGA

Omushamane Burmeister (Kambatutu), komufala wovalaule mOukwanyama, a kala efimbo lile moilonga kOshikango, ota efa oilonga oyo youkomufala nde ota hovele oilonga i lili kOvenduka pehovelolaOkotoba neudo, osho sha kundana omafiku aa.

### OSHIPONGA SHOMULILO

ONIIPA-Esiku eti-19.9.68, momukunda Etope megongalo lyaNiipa, omwa pi egumbo lyomusamane Fritsa yaHofni. "Egumbo olya pya po lungulungu inamu hupa nando osha. Iigandhi wo nomizalo ayihe opeku," osho gumwe gwaamatukinkugo a hokolola.

Omusamane Fritsa nomukulukadhi gwe naanona yawo yatatu nosho tuu aalelwa yawo, natu ya dhimbulukwe moluhepo lwawo lwopalutu na unene lwopamwenyo wo.

## EFIKU LETUMO

Eti- 9 Juli, olo oshidimbulukifo, ovaitaveli tava dimbuluka efiku onyikamwenyo ya minikila eemwenyo dOvawambo mOmwambo. Neudo efiku eli ola kala mefiku loilonga. Eti- 7/7/68 omo twa dana omishioni yetu.

Meester R. Jesaja, e tu leshela. Luk.6:36. E tu hokololela nhumba eemhadi dOvatumwa votete da enda. Okwa hokolola ehokololo li na elandulafano liwa lOvatumwa Ovandowishi fiyo Ovasoomi. Ou ta nyola e tu leshela otekishiti yefiku olo. Oil.10:42-43. Otwa hambelela Kalunga Tate womeulu. Ongalo yefiku olo ya wa R5. 30. Oya tumwa kOniipa, nomupashukilishitayi wetu okwe shi hafela.

Ovamwameme, tu fikifeni hano elaka eli, kwaavo inave li uda nantango.

Malakia Hauanga  
Tsumeb

### OMUWAMBO A FYA

Oranjemund. - Omuwambo wokodalate, edina inali shiivika manga, a li ha longo kOlange, okwa fya ombadilila. Osha ningwa ngaha kutya, eshinashihuputo olo ha longifa la fiya po ondjila, la londa kekuma lile nde tali mbonyokele mefilu nOmuwambo okwa fila opo efimbo tuu olo.

### EPANDULO

Onda kala omafiku mahapu mombete mOshihakulilo mOnandjokwe nda mona okanona, ndele konima onda hangika kouvela. Oule woshivike inandi penduka. MOnandjokwe onde ya mo nda dja -kEngela. Meti- 25-3-68 omo ngaha nda mona okanona okamati nonde ka mona noudjuu. Nande pa li oudjuu, Tate Kalunga okwa pa omundohotola eendunge osho yo ovahakuli okulundululila nge omiti, fiyo nda nhukapo. Ohandi lineekele ovakwetu ovaholike vOnandjokwe ova kala alushe okudimbuluka nge moomaidilo efimbo alishe. Hano kundweni onye ovahakuli mOnandjokwe molwoikumifalonga yeni. Ohandi dimbuluka nokuli edina limwe la lukwa okanona komuhakuli umwe olo Helao, osheshi okelao shili na okeenghono daTate Kalunga.

Klaudia Ndahafa Nghiwewelekwa  
Oshakati

"OMUKWETU" oha zi mOniipa.- Omukuluntu gwoshifo/ Hoofredakteur: Omumbisofi Dr. Leonard Auala, amushanga gwoshifo/ Redakteur: Leonard M. Shemuvalula, Oniipa, Pk. Ondangwa.- Ondando komumvo mOwambo 60c, mUushimba nOkavango 80c. Oofuto nomambestelo naga tumwe kOmukwetu, Oniipa, Pk. Ondangwa- Ovamboland. Moka hashi nyanyangidhwa: FINSE SENDINGDRUKKERY, ONIIPA, OVAMBOLAND, S.W.A.